



## COLEGIO ARUBANO

R.K SCHOOL VOOR CICLO BASICO,  
CICLO AVANSA, V.W.O EN H.A.V.O.  
VONDELLAAN 14  
TEL. 5822005 / 5822684 / 5831373 / 5828930  
FAX: 5832676, ARUBA  
E-mail: [info@colegioarubano.aw](mailto:info@colegioarubano.aw)

Na e alumnonan CB1, CB2, H3, H4, V3,  
V4, V5 y nan mayornan/cuidadonan.

Oranjestad, 7 di juni 2021

**COLAUA: 2020/2021-356**

Topico: Informacion tocante ciere di aña escolar

Apreciabel mayor/ cuidado y alumnonan,

Awe e ultimo siman completo di les di e aña escolar aki a cuminsa. Fin di otro siman ta cuminsa cu CP, Den e carta aki mi ta informa bo tocante e actividadnan durante e periodo restante di e aña escolar aki.

### **Tapaboca na scol**

Durante e conferencia di prensa a bira conoci cu desde diaranson en adelante e uzo di tapaboca no ta obligatorio mas na Aruba. Ta conseha si pa keda uza esaki si no tin distanciamento di 1.5 meter. Sinembargo, tin lugar cu por existi pa bisti tapaboca. E obligacion di uzo di tapaboca, manera cu e ta awor, ta keda vigente mas tanto posibel.

Esnan di 18 aña bay ariba por tuma vacuna boluntariamente y lo goza di proteccion contra coronavirus. Mayoría di nos alumnonan ta bou di 18 aña y no por tuma vacuna. Pa e motibo aki nos como scol tin e responsabilidad pa brinda nos alumnonan proteccion. Den e lokalnan no tin posibilidad cu e alumnonan ta 1.5m distancia di otro. Tambe pafo e alumnonan ta sinta hopi biaha pega cu otro.

P'ese y nos a tuma e siguiente decision:

- den e lokalnan e uzo di tapaboca ta obligatorio;
- durante comemento y bebemento por kita e tapaboca;
- pafo, riba un distancia di 1.5m di otro, por kita e tapaboca.

Otro siman ta cuminsa cu siman di CP. Nos kier preveni cu e alumnonan ta bira malo.

### **10 juni resultadi di examen periodo 1**

Diahuebs awo, 2am, e normanan cu cual ta rek e cifranan di examen ta drenta. Na e momento ey e team ta cuminsa traha di biaha pa asina tin e resultadonan provisional cla. Durante dia lo tin e resultado definitivo y despues di esey, cuminsando 3pm lo tin un *drive-thru* riba e tereno di scol pa e alumnonan cu a gradua. A manda un mail tocante e orden di cada klas caba na cada alumno. Pa hopi alumno, diahuebs awo ta un dia hopi excitante. Nos ta spera un bunita resultado.

### **10 di juni no tin les fisico pa H4, V4 y V5**

Como cu dia 10 di juni e resultado di examen ta bira conoci y e aña aki e tempo disponibel ta hopi corto, nos a haya nos obliga pa tene e reunion di resultado di examen durante e oranan di les. Door cu e klasnan H4, V4 y V5 ta haya mas tanto les di e examinadornan, no lo tin les fisico. E lesnan ta bay door sea online of e alumnonan ta haya un extra tarea pa traha na cas.

Tin un excepcion pa un grupo di 22 alumno di H4 cu mester completa un tarea pa Lichamelijke Opvoeding. Ta spera e alumnonan aki di 7.30 pa 9.00am na scol. Nan a ricibi un carta apart tocante esaki.

### **Periodo di CP4**

E periodo di CP4 ta tuma lugar di **diabierna 18 di juni te dialuna 28 di juni 2021**.

Diahuebs 17 di juni ta un dia normal di les, riba cual e alumnonan di e klasnan V3, V4, V5 y H4 ta sigui cu les normal despues di traha CP. Riba diabierna 25 di juni no tin CP en coneccion cu eleccion pa parlamento di Aruba.

E rooster di CP ta adhunto e carta aki na parti patras. E rooster aki lo ta disponibel riba nos website <http://colegioarubano.aw>. Mi ta haci un apelacion riba tur mayor pa keda motiva e yiu pa asina e ta bon prepara pa su CP-nan.

### **Punto di atencion pa durante CP**

- E intencion ta cu e alumnonan ta bay studia y prepara pa e siguiente dia despues di cada CP.
- Durante e periodo di CP, tur e reglanan di scol ta keda vigente. Corda riba e reglanan di vestuario, entre otro, bistimento di uniform di scol.
- Si un alumno ta ausente durante e periodo di CP, mester haci lo siguiente:
  - E mayornan ta raporta nan yiu malo prome cu 08.00am door di yama scol of yenando e formulario riba e link [bit.ly/ziekmal](http://bit.ly/ziekmal)
  - E alumno ta raporta na MEDwork prome cu 10.00am, segun e procedura cu lo splica mas adelanta;
  - E alumno lo entrega un carta di MEDwork na secretariado di scol ora e bin bek scol;
  - Den caso cu no tin motibo valido pa ausencia, e alumno ta haya e cifra 1 pa e CP cu el a falta.

### **Dianan di inhaal di CP**

Esnan cu a falta un CP door di motibonan valido, mag di traha e CP di inhaal despues cu el a entrega e carta di MEDwork. E dianan di inhaal di CP ta **diamars 29 di juni y diaranson 30 di juni 2021**

### **Inzage di CP's y cifra**

Riba **diahuebs 1 di juli 2021** e alumnonan por bin busca nan CP-nan coregi y controla nan cifra di rapport entre 08.00 y 10.00am. Ta entrega CP coregi solamente na esun cu e ta pertenece, pues no por manda otro hende bin busc'e. Despues cu entrega e CP, e cifra di rapport ta definitivo.

Pa H4 y V5 tin un otro momento di inzage pa e materia Geschiedenis. Pa V5 esaki lo ta diaranson 23 di juni y pa H4 esaki lo ta diahuebs 24 di juni. Esaki tin di haber cu e posibilidad di herkansing di schoolexamen. E conector encarga lo duna mas informacion tocante esaki.

### **Entrega di rapport**

Entrega di rapport ta tuma lugar dia **9 di juli 2021**.

Ta entrega rapport na e alumnonan di e klasnan CB1, CB2, H3 y V3, 8.00am. Pa 9.00 ta spera e alumnonan di H4, V4 y V5.

Pa motibo organisatorio no ta honra peticion pa entrega rapport prome cu e dia stipula. Si un alumno falta na e entrega di rapport, e por pasa busca e rapport despues na administracion. Administracion ta habri durante ora di oficina den vakantie. Por entrega rapport solamente na e alumno mes y, den caso cu ta trata di menor di edad, na su mayornan/cuidadonan.

**Dialuna 12 di juli 2021** vakantie ta cuminsa oficialmente.

Entre awo y e fecha ey ta hopi mester sosode ainda. A keda sin menciona entrega di buki. Pa esaki, ta haya un carta apart di boekenfonds. Tambe lo manda con e procedura di periodo 3 den un siguiente carta na esnan concerni.

Na number di e docentenan y rectorado, mi ta desea un y tur hopi exito den e periodo benidero. Un poco mas esfuerzo y nos lo cera e aña escolar aki na un manera positivo.

Saludo cordial,  
na nomber di rectorado,



T.R. Croes M Ed

Rector